

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška sredstava Ministarstva zdravstva na poziciji „Kapitalni transferi drugim nivoima vlasti – za zdravstvo“ Budžeta Zeničko-dobojskog kantona za 2026. godinu - Izvor 10, broj: 02-11-911/26 od 14.01.2026. godine, na prijedlog Ministarstva zdravstva, Vlada Zeničko-dobojskog kantona, na 113. sjednici, održanoj 14.01.2026. godine, d o n o s i

O D L U K U

o odobravanju sredstava Zavodu zdravstvenog osiguranja Zeničko-dobojskog kantona za uspostavu integrisanog zdravstvenog informacionog sistema na nivou Zeničko-dobojskog kantona

Član 1.

(Predmet)

Odobravaju se sredstva Zavodu zdravstvenog osiguranja Zeničko-dobojskog kantona (u daljem tekstu: Zavod) u iznosu od 8.148.746,80 KM (slovima: osam miliona sto četrdeset i osam hiljad sedamsto četrdeset šest i 80/100 konvertibilnih maraka) za finansiranje uspostave integrisanog zdravstvenog informacionog sistema na nivou Zeničko-dobojskog kantona.

Član 2.

(Ugovor o prenosu sredstava)

Ovlašćuje se ministrica Ministarstva zdravstva da potpiše ugovor o prenosu sredstava sa direktorom Zavoda s ciljem realizacije odobrenih sredstava iz člana 1. ove odluke.

Član 3.

(Realizacija projekta)

- (1) Uspostava integrisanog zdravstvenog informacionog sistema na nivou Zeničko-dobojskog kantona će se realizovati u skladu sa zaključenim ugovorom o prenosu sredstava iz člana 2. ove odluke.
- (2) Zavod je odgovoran za zakonitost provođenja postupka javne nabavke u skladu sa Zakonom o javnim nabavkama („Službeni glasnik Bosne i Hercegovine“, broj: 39/14, 52/22 i 50/24) i dokumentaciju u vezi sa javnim nabavkama.
- (3) Ukoliko visina iznosa javnih nabavki bude manja od odobrenog iznosa iz člana 1. ove odluke, Zavod je obavezan izvršiti povrat neutrošenih sredstava u korist Budžeta Zeničko-dobojskog kantona.

Član 4.

(Analitička konta)

- (1) Sredstva iz člana 1. ove odluke isplatit će se iz Budžeta Zeničko-dobojskog kantona za 2026. godinu („Službene novine Zeničko-dobojskog kantona”, broj: 24/25) sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo”.
- (2) Na osnovu ugovora o prenosu sredstava iz člana 2. ove odluke, odobrena sredstva će se u ukupnom iznosu transferisati na depozitni račun Zavoda broj: 1340100000002157, vrsta prihoda 742114, općina 103.

Član 5.
(Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija i Zavod, svako u okviru svoje nadležnosti.

Član 6.
(Izvrštavanje)

- (1) Zavod je obavezan izvještavati Ministarstvo zdravstva o svim bitnim činjenicama koje su vezane za provođenje postupaka javne nabavke (pokrenuti postupci javnih nabavki, uložene žalbe, poništavanje postupka i sl.) i dostaviti zaključene ugovore sa izabranim dobavljačima u roku od 7 dana od dana potpisivanja navedenih ugovora.
- (2) Obavezuje se Zavod da kvartalno izvještava Ministarstvo zdravstva o namjenskom utrošku sredstava iz člana 1. ove odluke, dostavljanjem kompletne dokumentacije o izvršenim nabavkama i statusu realizacije uspostave integrisanog zdravstvenog informacionog sistema na nivou Zeničko-dobojskog kantona (ugovori, fakture i sl.) i dokazima o uplati sredstava dobavljačima u skladu sa zaključenim ugovorima.
- (3) U slučaju neizvršavanja ugovorenih obaveza dobavljača u ugovorenim rokovima Zavod je obavezan odmah izvijestiti Ministarstvo zdravstva.
- (4) U slučaju nepostupanja Zavoda po članu 6. stav (1), (2) i (3) ove odluke, Zavod je obavezan odobrena sredstva uplatiti u korist Budžeta Zeničko-dobojskog kantona.
- (5) Ministarstvo zdravstva je obavezno Vladi Zeničko-dobojskog kantona dostaviti polugodišnji i godišnji izvještaj o utrošku odobrenih sredstava.

Član 7.

Obavezuje se ministrica Ministarstva zdravstva da imenuje komisiju za provođenja nadzora nad realizacijom cjelokupnog postupka uspostave integrisanog zdravstvenog informacionog sistema na nivou Zeničko-dobojskog kantona.

Član 8.
(Stupanje na snagu)

Ova odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-912/26

Datum, 14.01.2026. godine

Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo zdravstva,

1x Ministarstvo finansija,

1x Zavod zdravstvenog osiguranja Zeničko-dobojskog kantona, putem Ministarstva,

1x „Službene novine Zeničko-dobojskog kantona“,

1x a/a